

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA NOVI GRAD SARAJEVO
OPĆINSKI NAČELNIK

Broj: 02/12-23-13929/18
Sarajevo, 28.08.2018.godine

Na temelju člana 25., 70. i 123. stav 1) i 2) Zakona o javnim nabavkama ("Službeni glasnik BiH", broj 39/14) i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/125-05-10708/18 od 16.05.2018.godine, a u skladu sa Pravilnikom o uslovima i načinu korištenja E-aukcije ("Službeni glasnik BiH 66/16), a na preporuku Komisije za javnu nabavku radova - putem otvorenog postupka, Općinski načelnik d o n o s i:

O D L U K U

o izboru najpovoljnijeg ponuđača u predmetu - Izvođenje radova na izgradnji dijela primarnog sistema odvodnje oborinske vode-trasa 3 za područje Brijesća i poslovnih zona Bačići i Donjeg Telalovog polja

I Prihvata se preporuka Komisije za javnu nabavku radova i ugovor za javnu nabavku u predmetu - Izvođenje radova na izgradnji dijela primarnog sistema odvodnje oborinske vode-trasa 3 za područje Brijesća i poslovnih zona Bačići i Donjeg Telalovog polja, provedenog putem otvorenog postupka, broj obavještenja 422-1-3-149-3-63/18 objavljen u Službenom glasniku br. 46/18 dana 06.07.2018.godine i na Portalu javnih nabavki Agencije za javne nabavke BiH dana 04.07.2018.godine, dodjeljuje se ponuđaču Konzorcij: Manjo doo Sarajevo i Bosman doo Sarajevo, sa ukupnim iznosom ponude 681.408,00 KM sa uračunatim PDV-om.

II Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda i Zapisnik o pregledu i ocjeni ponuda Komisije sa preporukom za dodjelu ugovora u spisu.

III Zadužuje se Služba za zajedničke poslove, da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, te nakon isteka žalbenog roka pripremi ugovor i dostavi Općinskom načelniku na potpis.

IV Obavezuju se ponuđači iz tačke I ove Odluke da u roku od 5 (pet) dana od zaprimanja iste, a na način definisan podtačkom 3.5. tenderske dokumentacije, dostave dokumente navedene u podtački 3.1.3. tenderske dokumentacije, a u skladu sa članom 45. stav 2. tačka od a) do d) Zakona.

Dokazi koje će dostaviti odabrani ponuđači moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajnji rok za predaju ponuda.

Konstatuje se da su ponuđači dostavili dokumente tražene u podtački 3.3.2. tenderske dokumentacije koji se odnose na ekonomsku i finansijsku sposobnost i to na način definisan podtačkom 3.5. tenderske dokumentacije.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke u predmetu Izvođenje radova na izgradnji dijela primarnog sistema odvodnje oborinske vode-trasa 3 za područje Brijesća i poslovnih zona Bačići i Donjeg Telalovog polja polje br. 02/12-23-13929/18 od 26.06.2018.godine. Odlukom o pokretanju postupka javne nabavke, procijenjena vrijednost javne

nabavke bez PDV-a iznosi 598.290,60 KM, a vrijednost nabavke sa uračunatim PDV-om iznosi 700.000,00 KM. Javna nabavka provedena je putem Otvorenog postupka za dostavu ponuda broj obavještenja 422-1-3-149-3-63/18 objavljen u Službenom glasniku br. 46/18 dana 06.07.2018.godine i na Portalu javnih nabavki Agencije za javne nabavke BiH dana 04.07.2018.godine.

Zapisnikom sa otvaranja ponuda od 25.07.2018.godine Komisija je utvrdila da su u ostavljenom krajnjem roku za otvaranje ponuda, blagovremeno i propisno upakovane dostavljene četiri (4) ponude i to od sljedećih ponuđača: Džekos doo Sarajevo, Konzorcij: Manjo doo Sarajevo i Bosman doo Sarajevo, Harysco doo Sarajevo i Mibral doo Sarajevo. Zapisnik sa otvaranja ponuda dostavljen ponuđačima na fax.

Komisija je usporedbom dostavljenih ponuda i tenderske dokumentacije utvrdila da ponuda ponuđača Harysco doo Sarajevo, ne ispunjava kvalifikacione uslove date u obavještenju o nabavci i tenderskoj dokumentaciji. Komisija je utvrdila da je ponuđač Harysco doo Sarajevo postupio suprotno podtačkama 3.4. Tehnička i profesionalna sposobnost stav d) i 4.2. Sadržaj ponude stav j) kojima je precizirano da ponuđači u sklopu ponude kao dokaz za neophodnu opremu treba da dostave „izvod iz knjige osnovnih sredstava ili ugovor o iznajmljivanju opreme“. Nasuprot tome ponuđač je dostavio Upotrebne dozvole za dio tražene opreme, koji se odnosi na mašine za iskop (2kom). U vezi sa odredbom podtačke 3.4.1. tenderske dokumentacije, ponuda ponuđača Harysco doo Sarajevo, je odbacena, te nije bila predmet daljeg razmatranja.

Analizom preostale tri ponude, Komisija konstatuje da iste ispunjavaju formalno-pravne i kvalifikacione uslove navedene u obavještenju o nabavci i tenderskoj dokumentaciji.

Komisija je izvršila i računsku kontrolu zaprimljenih ponuda, te utvrdila da su ponude ponuđača Džekos doo Sarajevo i Mibral doo Sarajevo računski ispravne, a kod ponuđača Konzorcij: Manjo doo i Bosman doo Sarajevo uočena je sljedeća računska greška:

- Na stranici 10 ponude – “2.3. planiranje dna rova sa tačnošću +-5 cm i izbacivanjem suvišnog materijala van rova” stoji 1.125,60 1,00 1.125,00, a treba da stoji 1.125,60 1,00 1.125,60,
- Na stranici 10 ponude – “UKUPNO ZEMLJANI RADOVI” stoji 112.292,60, a treba da stoji 112.293,20.

Gore navedena računska greška, uticala je na ukupan iznos nepredviđenih radova (3%) koji nakon korekcije iznosi 17.215,72 i iznos PDV-a tako da, nakon korekcije PDV iznosi 100.482,41, a ukupna cijena ponude nakon izvršene računske kontrole iznosi 691.555,38 KM sa PDV-om.

U skladu sa primjenom Zakona o javnim nabavkama, Komisija je dostavila ponuđaču akt kojim je traženo izjašnjenje na uočene računske greške. Aktom br. 115-18 od 01.08.2018.godine ponuđač je dao saglasnost na uočenu računsku grešku.

Nakon provedenih kontrola, Komisija je utvrdila preliminaru rang listu, kako slijedi:

1. **Konzorcij: Manjo doo i Bosman doo Sarajevo.....**ukupno ponuđena cijena iznosi 591.072,97 KM bez PDV-a, odnosno 691.555,38 KM sa uračunatim PDV-om
2. **Mibral doo Sarajevo.....**ukupno ponuđena cijena iznosi 694.258,72 KM bez PDV-a, odnosno 812.282,70 KM sa uračunatim PDV-om
3. **Džekos doo Sarajevo.....**ukupno ponuđena cijena iznosi 708.576,76 KM bez PDV-a, odnosno 829.034,81 KM sa uračunatim PDV-om

Na osnovu tačke 1.5. podtačka 1.5.5. tenderske dokumentacije, kojom je predviđeno provođenje e-aukcije, a u skladu sa Pravilnikom o uslovima i načinu korištenja E-aukcije (“Službeni glasnik 66/16), Komisija je zakazala e-aukciju na Portalu javnih nabavki dana 14.08.2018.godine u 10:00 sati sa početnim predviđenim trajanjem iste od 10 minuta. Nakon okončane e-aukcije za predmetnu nabavku, a na osnovu dobivenog „Izvjestaja o toku i završetku e-aukcije“, Komisija je utvrdila konačnu rang listu kako slijedi:

1. **Konzorcij: Manjo doo i Bosman doo Sarajevo**.....ukupno ponuđena cijena iznosi 582.400,00 KM bez PDV-a, odnosno 681.408,00 KM sa uračunatim PDV-om
2. **Mibral doo Sarajevo**.....ukupno ponuđena cijena iznosi 583.000,00 KM bez PDV-a, odnosno 682.110,00 KM sa uračunatim PDV-om
3. **Džekos doo Sarajevo**.....ukupno ponuđena cijena iznosi 708.576,76 KM bez PDV-a, odnosno 829.034,81 KM sa uračunatim PDV-om

Shodno članu 64. Zakona stav b) i kriteriju najniža cijena (tačka 5.1. tenderske dokumentacije) Komisija je pravilno i potpuno izvršila ocijenu zaprimljenih ponuda, te ponudu ponuđača Konzorcij: Manjo doo Sarajevo i Bosman doo Sarajevo, ocijenila kao najpovoljniju, sa ponuđenom cijenom za ugovor u iznosu od 681.408,00 KM sa uračunatim PDV-om.

Uzevši u obzir da je Komisija u cijelosti pravilno postupila i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cjelosti se prihvata Zapisnik o pregledu i ocjeni ponuda i preporuka Komisije za dodjelu ugovora i Izvještaj o toku i završetku e-aukcije. Na osnovu gore navedenog, odlučeno je kao u dispozitivu Odluke.

Pouka o pravnom lijeku

Ponuđač/i koji su sudjelovali u postupku nadmetanja mogu radi zaštite svojih prava i pravnih interesa, izjaviti žalbu ugovornom organu u roku od 10 dana od prijema pismene obavijesti (Odluke) o izboru najpovoljnijeg ponuđača. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila
Enisa Babić, dipl. pravnik

Dostaviti:

1. Ponuđač/ima- učesnicima postupka
2. Služba za zajedničke poslove
3. A r h i v i / u spis

Općinski načelnik
mr. Semir Efendić

